



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

XXVIII. De residentia.

[urn:nbn:de:hbz:466:1-67899](#)

Germania quare permissa? clesiae interesse putant, principes Ecclesiasticos maximis proventibus latari, quo protestantibus pares esse queant.

- 1) *Seff. 7. c. 2.* 2) *Seff. 24. c. 17.* 3) *Stat. Blef. art. 11.*
4) *Mem. du Clergé part. 2. tit. 14. n. 15. tit. 15. per tot.*



C A P. XXVIII. D E R E S I D E N T I A.

I.

**Residen-
tia neces-
aria.**

PRIMIS saeculis clericis omnes titulis suis, veluti cardinibus, fixi firmique inhæbant, quos deserere, vel in aliam diœcesin migrare sine Episcopi venia non poterant, nisi cum ipsis, tum Episcopi, qui eos receperissent, excommunicari vellent¹. Sed ex quo clericis ordinari cœperunt sine *titulo*, vagabundorum numerus mire excrevit. Deinde beneficiorum pluralitas necessario residentiae neglectum involvit, & quæ avaritia beneficia multiplicavit, eadem servitium Ecclesiæ susque deque habuit, lucro unice dedita. Unde legimus Episcopos & clericos, multis beneficiis ornatos, procul Ecclesia omne ævum in aulis principum, vel quocumque aut negotiis aut voluptatibus suis traherentur, exegisse².

- 1) *Conc. Nicæn. c. 26. Chalced. 10. 20. Antioch. 3.*
LEO ep. 84. ad *Nicer.*
2) PETRUS Blef. ep. 84.

**ex certis
causis,**

II. FUERE tamen justæ absentiæ causæ, ut, iter ad concilium, ad Episcopi consecrationem, ad Ecclesiæ dedicationem. Non-

nulli ex optimis in aulis degebant; Ecclesia-
rum, pauperum aliorumque afflictorum cau-
sam agentes; sed nec sape, nec diu; & tan-
ta vita innocentia, ut satis appareret, quo spi-
ritu ducerentur. Quia tamen s^ec^olo IV. non
nulli hac libertate abusi sunt, concilio Antio-
cheno c. 11. statutum est, ne quis Episcopus
sine venia collegarum, & Metropolitani in-
primis, migraret ad aulam: & Sardicense¹
absentiam eorum, urgente necessitate, restrin-
xit ad tres menses, cunctisque Episcopis injun-
xit, ut observarent collegas, per dioceses
eorum iter facientes, caussamque itineris fla-
gitarent, ut scire possent, num salvis condu-
ctibus eorum subscribere possent.

1) c. 7. 10. 11. 12.

III. TEMPOR^E expeditionum crucia-
tarum indulti sunt multis clericis fructus be-
neficiorum absentibus per plures annos¹. In-
dultum est etiam clericis, qui vel discendi vel
docendi cauſa degebant in academiis. Indul-
tum porro iis, qui in curia Romana litium
cauſa vel provisionibus inhiantes commora-
bantur. Pessimi exempli denique fuit ponti-
ficum secessus Avenionensis, qui ejusdem cri-
minis rei aliis facile privilegium perpetuum
de non residendo dederunt, ut absentes tam-
quam praefentes fructus suos facere possent.
Obtentui erat, eos, qui in curia pontificis age-
rent, Ecclesiæ universali utiliorem operam na-
vare, quam si loco beneficii adstringerentur.
Quod ad se traxerunt Sacellani regii, & sena-
tus supremi consiliarii, qui reipublicæ lita-

S 5

rent². Sed primis sæculis cum Ecclesia, tum respublica non infelicius regebatur absque hujusmodi dispensationibus. Et populus sine doctrina, clerus sine disciplina, vitia impunita, cultus publicus neglectus, Ecclesiæ sine ornamentis, ædificia sine reparationibus, pauperes denique destituti, satis proclamarunt, quantum interesset, clericos non residere.

1) C. 4. 12. X. de Cler. non resid.

2) Stat. Melodun. art. 7.

denuo
præcipi-
tur,

IV. His malis ut mederetur concilium Tridentinum¹, voluit, ne quis episcopus ultra bimestre aut trimestre spatium abesset e diœcesi, extra casum necessitatis, caritatis, obedientie, & ob evidens Ecclesiæ aut reipublicæ bonum: ubi tamen scripta venia pontificis, aut Metropolitani aut primi suffraganei opus. Voluit porro, ut provideret, ne ex caussa absentiae populus detrimentum caperet, ipseque saltem adventum, jejunium quadragesimale & solemnies ferias obiret in æde cathedrali; additque, secus facientes peccatum mortale committere, nec salva conscientia fructus absentiae capere posse, applicando fabricæ Ecclesiæ & pauperibus loci. Eadem pœna præsagitur curatis & ceteris beneficiariis, animarum curam habentibus, quibus injungitur, ne qua absint sine scripta episcopi venia, cui mandatur, ut vagabundos fructuum sequestratione, immo & privatione beneficiorum, adigat ad residentiam. Concinit statutum Blef.² licet non observetur per omnes apices. Canonicis injungitur³ sub pœna dimidiæ fructuum, si primo anno; omni-

um fructuum, si secundo anno ultra tres menses absuerint, nec alios, quam qui præsentes sunt, distributionum quotidianarum vult fieri participes. Sed in his sequenda sunt peculia-
ria capitulorum statuta, nisi juri communi re-
pugnant⁴. Sunt enim, quæ exactam urgent
residentiam; sunt, quæ præsentiam in officio,
quoad quis in loco est, sedulam urgent, lon-
gioremque indulgent postea absentiam. Ca-
nonici inferioris chori homines & semipræben-
darios, *capellanos*, *cantores*, vel quocumque alio
nomine censeantur, ad cultum assiduum ad-
stringunt, quia ipsorum stipendiis vivunt, &
eorum vicibus funguntur⁵.

1) *Sess. 23. Ref. c. 1.* 2) *art. 14. 15. 16.*

3) *Sess. 25. Ref. c. 12.* 4) *C. 1. de consuet. in 6.*

5) *Mem. du Clerg. p. 2. tit. 14.*

V. SIMPLICIA beneficia vocantur, quæ nec curam animarum, nec præsentiam in choro annexam habent, a residentia immunia, ut sunt abbatiae vel prioratus commendati & scella, in quibus certus numerus Missarum recitandus, quod etiam fieri potest per procuratorem. Interim & illa bono Ecclesiæ sunt instituta, nec quidquam nobis obligationem naturalem & divinam remittere potest, perficiendi promissa, dum servitio Ecclesiæ nos dedimus, ut ejus proventibus jure frui possimus.

